

ამბროლაურის მუკაშაჟი



ამბროლაურის
მუნიციპალიტეტი

№4 (9911) ◆ ივნისი, 2024 წელი ◆ ფასი 50 თეთრი ◆ გაზეთი გამოდის 1933 წლის 3 მაისიდან

კვირვასო პაითხველო!

იცით, რომ მუნიციპალიტეტის განვითარების ერთერთ ძირითად დოკუმენტად მიიჩნევა **პრიორიტეტის დოკუმენტი**, რომელიც ასახავს ინფორმაციას საშუალოვადიანი სამოქმედო გეგმის შესახებ.

ამბროლაურის მუნიციპალიტეტის მერიამ, 2025-2028 წლების პრიორიტეტების დოკუმენტის მომზადების მიზნით, მოქალაქეთა წინადადებების მიღება უკვე დაიწყო.

პრიორიტეტების განსაზღვრა გულისხმობს ისეთი ღონისძიებების განხორციელებას, რომლებიც ხელს შეუწყობს ინფრასტრუქტურის, კულტურისა და სპორტის სფეროების განვითარებას, მოსახლეობის სოციალურ-ეკონომიკური მდგომარეობის გაუმჯობესებას და მუნიციპალიტეტის განვითარებისთვის საჭირო სხვა მნიშვნელოვანი პროგრამების ხელშეწყობას.

შეგახსენებთ: დოკუმენტის მომზადების პროცესში თქვენი აქტიური მონაწილეობა და პრიორიტეტების განსაზღვრაში უშუალო ჩართულობა აუცილებელი და მნიშვნელოვანია...

მიანოდეთ მუნიციპალიტეტის მერიას თქვენი იდეები და ინიციატივები.

გაცნობითი უხეხედა

სამხარეო ადმინისტრაციაში კორეის რესპუბლიკის საქმეთა დროებით რწმუნებულ **კიმ ტონგ ოპისთან** გაცნობითი ხასიათის შეხვედრაზე განიხილულ იქნა ორ ქვეყანას შორის არსებული ურთიერთობები და თანამშრომლობის პერსპექტივები.

მხარეში სახელმწიფო რწმუნებულმა **პაპუნა მარგველიძემ** სტუმარს მიაწოდა ინფორმაცია რაჭა-ლეჩხუმისა და ქვემო სვანეთის რეგიონზე, მის პოტენციალზე სხვადასხვა მიმართულებით. ბატონმა კიმ ტონგ ოპიმ ვიზიტის შთაბეჭდილებების გაზიარებისას ხაზგასმით აღნიშნა, რომ მხარეს გააჩნია ტურიზმის განვითარების დიდი



პოტენციალი.

შეხვედრას ესწრებოდნენ: სახელმწიფო რწმუნებულის პირველი მოადგილე **ქრისტინა კობახიძე**, ადმინისტრაციის აპარატის უფროსი

მარიკა დვალი, ამბროლაურის მუნიციპალიტეტის საკრებულოს თავმჯდომარე **ასლან საგანელიძე** და მუნიციპალიტეტის მერი **ზვიად მხვიძე**.

ინფრასტრუქტურული პროექტები და მონიტორინგი

ამბროლაურის მუნიციპალიტეტში მოსახლეობის სოციალურ-ეკონომიკური მდგომარეობის გაუმჯობესების, სხვადასხვა დარგებისა თუ სფეროების განვითარების მიზნით დაგეგმილი მასშტაბური სამშენებლო-სარეაბილიტაციო პროექტებიდან ძირითად პრიორიტეტად მაინც ინფრასტრუქტურის მოწყობა მიიჩნევა. წელს სხვადასხვა ფონდებისა და ადგილობრივი ბიუჯეტის დაფინანსებით ხორციელდება 100-ზე მეტი პროექტი. მაგალითად რეგიონების განვითარების ფონდიდან დაფინანსებულია 15 ინფრასტრუქტურული პროექტი. მათგან გარდამავალი იყო და სრულდება სადმელის შიდა სასოფლო გზის სარეაბილიტაციო სამუშაოები და ქ.ამბროლაურში მდინარე კრიხულას სანაპიროზე, სოციალურ-ეკონომიკური და კულტურული როლის გაზრდის მიზნით, მრავალფუნქციური ცენტრის მშენებლობა.

სასოფლო გზების რეაბილიტაციის პირველი რიგის სამუშაოები უკვე დასრულდა ზნაკვაში, სადაც დაიგო 1.3 კმ-მდე ბეტონის საფარი და სამუშაოების ღირებულებამ 424

000 ლარი შეადგინა. გრძელდება ახალსოფლის საუბნო გზის, კვაცხუთში ეკლესიასა და სასაფლაომდე მისასვლელი გზის, მეორე ტოლაში სკოლის უბნის გზის, თხმორის სასოფლო გზის მდ. შარეულასთან ქანობიანი მონაკვეთის სარეაბილიტაციო სამუშაოები და სხვა.

წელსვე სრულდება მთის განვითარების ფონდით დაფინანსებული სოფელ ინის შიდა სასოფლო გზების სარეაბილიტაციო სამუშაოები. პროექტი იყო გარდამავალი და სახელმწიფოებო ღირებულება შეადგენდა 1180000 ლარს.

აღსანიშნავია, რომ მიმდინარე წელს საგრძობლად გაზრდილია სტიქიის საპრევენციო ღონისძიებების დასაფინანსებელი თანხა და შესაბამისად, შესაძლებელი ხდება მეტი პროექტის განხორციელება, რომლებიც ძირითადად ითვალისწინებს ინაში საუბნო გზის, ნიკორწმინდაში კობახიძეების უბანში, ქ. ამბროლაურში აღმაშენებლისა და გოგებაშვილის ქუჩებზე საყრდენი კედლების, ქ. ამბროლაურში ჭიჭინაძის ქუჩაზე, ამბროლაური-ხიმშის გზის, ხოტევეში მდი-

ნარე ხოტეურაზე, კლდისუბანში მდინარეებზე რიონსა და რიცულაზე, ხვანჭკარაში ჭარბაძეების უბანში, ღვიარაში მდ. ღვიარულაზე ნაპირსამაგრების, სადმელში ენუქიძეების უბანში, ქ. ამბროლაურში ბრატისლავა რაჩის ქუჩაზე სანი-ალერე არხების მოწყობას, ქ. ამბროლაურში ჭავჭავაძის ქ. №1-ში მდებარე მრავალბინიანი სახლის სახურავის სარეაბილიტაციო და წესში მდინარე რიონის მარჯვენა ნაპირის სარეგულაციო სამუშაოების შესრულებას.

მოსახლეობის საჭიროებების გათვალისწინებითაა დაგეგმილი აგრეთვე სოფლის მხარდაჭერის პროგრამითა და მუნიციპალიტეტის ადგილობრივი ბიუჯეტით დაფინანსებული პროექტების განხორციელება.

აღსანიშნავია, რომ ხელმძღვანელი პირებისა და პროფილური სამსახურების მხრიდან სისტემატიური ხასიათი აქვს მიმდინარე სამშენებლო-სარეაბილიტაციო სამუშაოების პოცესების მონიტორინგს, რაშიც აქტიურად უნდა ჩაერთოს მოსახლეობაც.



ინფორმაცია

ინფორმაცია

გამართა ამბროლაურის მუნიციპალიტეტის მეორე მონვევის საკრებულოს 68-ე მორიგი სხდომა, რომელზედაც დეპუტატებმა მოისმინეს ინფორმაცია, ამბროლაურის მუნიციპალიტეტის დასახლებებში, საქართველოს რეგიონებში განსახორციელებელი პროექტების ფონდიდან, სოფლის მხარდაჭერის პროგრამის ფარგლებში დაფინანსებული პროექტების მიმდინარეობის შესახებ.

ითქვა, რომ აღნიშნული პროგრამის ფარგლებში მუნიციპალიტეტის სოფლებში ხორციელდება მოსახლეობის არჩევანით 65-ზე მეტი პროექტი, მაგრამ როგორც შესაბამისი სამსახურების ისე მოსახლეობის მხრიდან საჭიროა შესრულებული სამუშაოების ხარისხზე განსაკუთრებული კონტროლის დანერგვა.

სხდომამ დაამტკიცა ამბროლაურის მუნიციპალიტეტის საკრებულოს 2024 წლის მესამე კვარტალის სამუშაო გეგმა.



შპს პირთა უფლებების დაცვის დელსთან დაკავშირებით (14 ივნისი) რაჭა-ლეჩხუმისა და ქვემო სვანეთის სახელმწიფო რწმუნებული პაპუნა მარგველიძე, რწმუნებულის აპარატის ხელმძღვანელი მარია დვალი, ამბროლაურის მუნიციპალიტეტის საკრებულოს თავმჯდომარე ასლან საგანელიძე და მუნიციპალიტეტის მერის მოადგილე თამარ ქვეანაშვილი „მიდეა საქართველოს“ წარმომადგენელ კახაბერ გაბრიჭიძესთან ერთად სადმელის მრავალფუნქციურ ცენტრს ეწვივნენ. შეხვედრენ ბენეფიციარებს და მათ სხვადასხვა საჩუქრები გადასცეს.



„მიდეა საქართველოს“ წარმომადგენელმა მრავალფუნქციურ ცენტრს, რომელიც 2021 წლიდან ფუნქციონირებს, საჩუქრად გადასცა პლაზმური ტელევიზორი. კომპანიის სახელით გამოთქვა მზაობა, რომ სამხარეო ადმინისტრაციასთან და მუნიციპალიტეტთან ერთად აქტიურად ჩაერთვებოდნენ ქველმოქმედებაში.

ცენტრის სტუმრებმა თანამშრომლებისგან მოისმინეს ინფორმაციები მიმდინარე საქმიანობის, არსებული საჭიროებებისა და სამომავლო აქტივობების შესახებ, დაათვალიერეს ბენეფიციართა მიერ დამზადებული ხელნაკეთი ნივთები და ცენტრის ტერიტორიაზე არსებული ბიო სათბური, სადაც ბენეფიციარები ჩართულნი არიან ერგო-თერაპიაში.

იმავე დღეს მუნიციპალიტეტის მერის მოადგილე თამარ ქვეანაშვილი ქალაქ ამბროლაურში არსებულ დღის ცენტრ „ბაოში“ მერიის სოციალური და ჯანდაცვის სამსახურის წარმომადგენლებთან ერთად იმყოფებოდა, სადაც ცენტრის აღსაზრდელებს სასაჩუქრე პაკეტები გადასცა და მათთან ერთად სხვადასხვა სახის აქტივობებშიც ჩაერთო.

აღსანიშნავია, რომ შპს ბავშვთა დღის ცენტრი, ქ. ამბროლაურში 2019 წლიდან ფუნქციონირებს. ზრუნავს ბენეფიციარების სოციალური უნარების განვითარებაზე და ხელს უწყობს მათ ინტეგრაციას სოციალურ გარემოში.

რაჭა-ლეჩხუმისა და ქვემო სვანეთის სახელმწიფო რწმუნებული პაპუნა მარგველიძე, ამბროლაურის მუნიციპალიტეტის მერი ზვიად მხეიძე და მერის მოადგილე თამარ ქვეანაშვილი მერიის ახალგაზრდულ მრჩეველთა საბჭოს წევრებს შეხვედრენ და საჩუქრად კომპიუტერები, საოფისე ინვენტარი და ბრენდირებული საჩუქრები გადასცეს.

რეგიონული და ადგილობრივი თვითმმართველობის წარმომადგენლები ახალგაზრდებთან ერთად იმყოფებოდნენ აგრეთვე ყოფილი „კინოთეატრის“ შენობაში, სადაც საბჭოს წევრების ინიციატივით ივლისის თვეში იგეგმება ფილმის ჩვენება. აღნიშნულთან დაკავშირებით ტექნიკურ გამართულობას და საზოგადოების ინფორმირებას მუნიციპალიტეტი უზრუნველყოფს.

სამუშაო შეხვედრა

ამბროლაურის მუნიციპალიტეტის მერიაში მორიგ სამუშაო შეხვედრაზე განხილულ იქნა სხვადასხვა მიმართულებით არსებული ვითარება და იმსჯელეს იმ კონკრეტულ საკითხებზე, რომლებიც შესაბამის ჩართულობას საჭიროებს.

სამუშაო შეხვედრაზე სამსახურების უფროსებმა განხორციელებული და დაგეგმილი აქტივობების შესახებ ისაუბრეს და საკურატორო სფეროების მიხედვით კონკრეტული დავალებები მიიღეს.


გზა - სოფლის პროგრესი

ზედა ღვარდიელები სოფელთან დამაკავშირებელი, ციცაბო კლდეზე გამავალი, ერთადერთი და პრობლემატური გზის სარეაბილიტაციო სამუშაოების დაწყებას მიესალმებიან და პროგრესად მიიჩნევენ. თვლიან, რომ ესაა სოფლის შენარჩუნებისა და გაძლიერების გზაზე წინ გადადგმული სერიოზული ნაბიჯი. მადლიერებას გამოხატავენ კიდევ შესაბამისი სამინისტროს, სამხარეო ადმინისტრაციისა და ადგილობრივი თვითმმართველობის ხელმძღვანელი პირებისადმი. ამბობენ: კარგია, რომ გზა გაფართოვდა, მაგრამ ეშინობთ ძალზე რთული მონაკვეთებია „ჯიხური“ და „დიდი მოსახვევი“ თუ დახრის კუთხე კიდევ არ დადაბლდა, შეიძლება გადაადგილება კვლავაც გაძნელდეს, კლდოვანი ქანისა და მიწის გაყოლილმა ქვებმა არ გვინდა დაახინანოს ხევის ტყის საფარი. მოსახვევის აღმართში სასურველია დამატოს დამცავი ფილები, ასევე დამცავი ზოლი გაკეთდეს მთლიანად და მყარად...

ზემო ღვარდიელებმა გულახდილად განაცხადეს: მადლიერები ნამდვილად ვართ, მაგრამ ჩვენ ხომ სპეციალისტები არ ვართ და ე.წ „კარისის“ პროექტს ვერ წავიკითხავთ. იხარჯება დიდი თანხა და გვინდა შედეგიც იყოს სასურველი. ცხოვრებისეული დაკვირვება-გამოცდილებიდან გამომდინარე ვახმოვანებთ მოსაზრებას და ვფიქრობთ, ამის უფლება გვაქვს.

რა თქმა უნდა, აქვთ და უსმენენ კიდევ. ამჯერად გაზეთის საშუალებით ვაფიქსირებთ პროფილური სამსახურიდან მიღებულ პასუხს.

– გზის მშენებლობა მისი რთული რელიეფური მდებარეობისა და სპეციფიკიდან გამომდინარე სწრაფად არ დაგვიწყია. ესაა ექსპერტებთან, პროფესიონალ მშენებლებთან და ადგილობრივებთან ერთად წლების მანძილზე ნაფიქრ-ნამსჯელი და დღეს სახელმწიფოს დახმარებით მიღებული გადაწყვეტილება.



პროექტი გარდამავალია. პირველი ეტაპზე ხორციელდება გაფართოებითი სამუშაოები და აღსანიშნავია, რომ გრუნტის მოჭრაზე იმუშავა ძლიერმა კომპანიამ. მონიტორინგი უწყვეტად მიმდინარეობს. წინ მეორე ეტაპია და საჭიროების შემთხვევაში იქნება შეტანილი კორექტივები.

ადგილობრივები საქმის კურსში არიან. მათთვის კეთდება და კარგია, კრიტიკული თვალთ რომ აკვირდებიან იმ გზის სამშენებლო-სარეაბილიტაციო პროცესებს, რომელმაც უახლოეს მომავალში უნდა გაამართლოს სოფელში ოჯახების დაბრუნების ტენდეცია.

რეალისტი

რამდენადაც ვიცით ქვეყანაში მელიორების მიმართულებით მცირე ფერმერული მეურნეობების განვითარება მსოფლიოში აპრობირებული თანამედროვე ჯიშებისა და შეჯვარების სქემის გამოყენებით ხდება. არ ვიცით თავიდან რით იხელმძღვანელა გალმა ბარეულში მამაპაპისეულ ფუძეზე დამკვიდრებულმა გიორგი სოსხაძემ, მაგრამ ფაქტია, რომ წლების წინ ძმის დაწყებული საქმე სოფლის, კუთხის გულშემატკივარის პოზიციიდან გაანალიზებული ეფექტური ვარიანტით – რაჭული ენდემური ღორის მოშენება-პოპულარიზაციით გააგრძელა.

თვითონვე გვითხრა: ქვეყანაში ღორის ადგილობრივი პოპულაციებიდან უძველესი დროიდანვეა ცნობილი რაჭული. დღემდე ხომ ტრადიციებმა მოგვიყვანა. რეალისტი ვარ, რესურსი არის, ჰო და ბიოლოგიური სოფელი მინდა გვექონდეს. ამჟამად 38 სული ღორი მყავს. განსაკუთრებულ ყურადღებას ვაქცევ კვებას. ტყის ბუნებრივ საკვებ – საშუალებების ათვისებასთან ერთად ხელსაყრელი ბუნებრივი კლიმატური პირობები ხელს მინცობს ღორის შებოლილი ხორცის საგემოვნო თვისებების შენარჩუნებაში. ბაზარზე მოთხოვნა დიდია და პროდუქციის რეალიზაცია პრობლემა არაა. ე.ი კონკურენტებიც არა მყავს. არც არავის ვაწუხებ და ნურც მე შემანუხებენ. მოკლედ ვწვევი ქართული ღორის პოპულარიზაციას.

ხანმოკლე იყო ჩვენი საუბარი. დიუმასეული ფრაზა „ფული არის კარგი მსახური, მაგრამ ცუდი ბატონი“ მაინც გვენიშნა... თუმცა გვესიამოვნა, რომ ქალაქის სმოგს, გაბუქებულ ცხოვრებას გამორიდებული ახალგაზრდა გაფილტრულ სამეგობროსთან ერთად გალმა ბარეულში თავს გრძნობს იმ სამოთხეში, სადაც ბუნება და ღმერთია.

კულტურა, ხელოვნება, სხვადასხვა

იენისი კულტურული და სპორტული ღონისძიებებით დატვირთული აღმოჩნდა, რაც იმაზე მიუთითებს, რომ სამხარეო ადმინისტრაციისა თუ ადგილობრივი თვითმმართველობის მიერ, ახალგაზრდობის

ინტერესების გათვალისწინებით, კულტურული თუ სპორტული ინფრასტრუქტურის მოწოდებით და აღნიშნული სფეროების განვითარებისათვის გადადგმულ სერიოზულ ნაბიჯებს შედეგებიც ახლავს.

აღსანიშნავია ის ფაქტიც, რომ ხელმძღვანელი პირები, პროფილური სამსახურების წარმომადგენლები ყველა ღონისძიებებსა თუ შეჯიბრებებზე უშუალო ჩართულობა-დასწრებით მიაწვდიდნენ ახალგაზრდობას,

რომ ყოველგვარ კარგ ნამონყებაში მათ გვერდით არიან და მხარდაჭერა მომავალშიც გაგრძელდება. შესაბამისად მათი ქმედება უნდა იყოს პასუხისმგებელიანი, ადეკვატური ქმედებებითა და ჯანსაღი ცხოვრების წესით.

იენისის თვის კალენდარი საფრანგეთში **ლევილის ქართველთა მამულში** გამართული ფესტივალთა გეგმა დაიწყო. ფესტივალი, რომელიც „პატარა საქართველოში“ ტრადიციული ხდება და ფაქტიურად, მსმენელისა თუ მაცურებლის ფართო აუდიტორიას ახსენებს საქართველოს კულტურის, ხელოვნების, სპორტის მდიდარ ისტორიას. წელს ფესტივალზე 700-მდე მონაწილეთა შორის ჩვენი კუთხე ანსამბლით „საგალობელი“ იყო წარმოდგენილი, ემიგრანტებს და ფრანგებს შესრულების მაღალი ოსტატობით დიდი სიამოვნება მიანიჭეს.

ჩვენებურებს ქართული კულტურის კერაზე საფრანგეთში ახლდათ მხარეში სახელმწიფო რწმუნებულის პირველი მოადგილე **ქრისტინე კობახიძე**.



ამბროლაურის მუნიციპალიტეტის მასშტაბით მოქმედმა 13 სკოლამდე მასალებზე დაწესებულებამ 320 აღსაზრდელი საზაფხულო არდადეგებზე საზეიმო ვითარებაში გააცილა. ეს დღე აღმზრდელებმა მშობლებთან ერთად განსაკუთრებულად დასამსხვრებელი გახადეს იმ 87 აღსაზრდელისათვის, რომლებიც სექტემბერში პირველ კლასში შესასვლელად ემზადებიან.

ქალაქ ამბროლაურის საბავშვო ბაღში უფროსი ჯგუფის გამოსაშვებ ღონისძიებას, რომელზეც პატარებმა საინტერესო მუსიკალური და ქორეოგრაფიული ნომრები წარმოადგინეს, საპატიო სტუმრებიც ჰყავდათ.

ამბროლაურის მუნიციპალიტეტის საკრებულოს თავმჯდომარემ **ასლან საგანლიძემ**, მერის პირველმა მოადგილემ **დავით გოგლიძემ**, მოადგილე **თამარ ქვეანაშვილმა** პატარებს მიულოცეს ცხოვრების ახალ ეტაპზე გადასვლა და ყველა აღსაზრდელს ქვეყნის მასშტაბით უსურვეს მშვიდობიანი ცის ქვეშ ბედნიერი მომავალი.



პირველ იენისს, მსოფლიო ბავშვთა დღის საერთაშორისო დღეს, სამხარეო და ადგილობრივი ხელისუფლების წარმომადგენლებმა, მერიისა და საკრებულოს თანამშრომლებთან ერთად, მცირე საოჯახო ტიპის ბავშვთა სახლის, დღის ცენტრი „ბაოს“ და რამდენიმე საბავშვო ბაღის აღსაზრდელებს მიულოცეს ბავშვთა დღის დღე, გადასცეს სასაჩუქრე პაკეტები, უსურვეს ბედნიერი და წარმატებული მომავალი.

12 იენისს აღნიშნა მესამე – მამულის დღე. სახელმწიფო რწმუნებულის ადმინისტრაციამ და ადგილობრივმა თვითმმართველობამ საგანგებო სიტუაციების მართვის სამსახურის თითოეულ თანამშრომელს მიულოცეს პროფესიული დღე, უსურვეს მშვიდობიანი საქმიანობა და თავდაუზოგავი საქმიანობისათვის გადაუხადეს მადლობა.

ამბროლაურის მუნიციპალიტეტისა და საქართველოს წითელი ჯვრის საზოგადოების ორგანიზებით ხვანჭკარაში და სადმელში სამედიცინო აქცია გაიმართა, რომლის ფარგლებში საქართველოს წითელი ჯვრის დედოფლისწყაროს ფილიალის კლინიკის ხედასხვა პროფილის ექიმებმა (რადიოლოგი, ოფთალმოლოგი, ოჯახის ექიმი, კარდიოლოგი) ადგილობრივ მოსახლეობას უფასო სამედიცინო კონსულტაციები და საჭირო დიაგნოსტიკური კვლევები ჩაუტარეს.

სამედიცინო აქციის მიმდინარეობას ამბროლაურის მუნიციპალიტეტის მერის მოადგილე **თამარ ქვეანაშვილი** ადგილზე გაეცნო.



დავით თორაძის სახელობის ხელოვნების სკოლის ორგანიზებითა და ამბროლაურის მუნიციპალიტეტის მერიის მხარდაჭერით გამართულმა ფესტივალმა „სახიობა რაჭაში – 2024“ ორგანიზებულობითა და მასშტაბურობით ამჯერადაც მოლოდინს გადააჭარბა.

ფესტივალს, რომელშიც მონაწილეობდნენ ქვეყნის 18 მუნიციპალიტეტიდან ფოლკლორული, საესტრადო, ქორეოგრაფიული და საგუნდო ანსამბლები, ესწრებოდნენ მუნიციპალიტეტის მერი **ზვიად მსვიტი** და მოადგილე **თამარ ქვეანაშვილი**.

გამოფენა

ამბროლაურის უჩა ჯაფარიძის სახელობის სამხატვრო სკოლაში, მოსწავლეთა ნამუშევრების შემაჯამებელი გამოფენა გაიმართა.

დამთვალეირებულს საშუალება ჰქონდა სხვადასხვა ჟანრში შესრულებული ნახატები, თექის, ტიხრული მინანქრის, ხალიჩა-ფარდაგების, ხატუნების ნამუშევრები ეხილა და სამხატვრო სკოლის მიერ განხორციელებულ აქტივობებს გააცნობოდა.

აღსანიშნავია, რომ სკოლის რვა კურსდამთავრებულთაგან ორი თბილისის სახელმწიფო სამხატვრო აკადემიაში აპირებს სწავლის გაგრძელებას სხვადასხვა მიმართულებებით.

შემაჯამებელ გამოფენას ამბროლაურის მუნიციპალიტეტის მერის მოადგილე **თამარ ქვეანაშვილი** და სხვადასხვა სფეროდან მოწვეული სტუმრები ესწრებოდნენ.



თვის სპორტული კალენდარი შედეგებითა და სახეობათა მრავალფეროვნებით ასეთია:

კარატი

იტალიის დედაქალაქ რომში გამართულ კუდოს ევროპის 2024 წლის ჩემპიონატიდან (16 წლამდელთა შორის) ამბროლაურის სასპორტო სკოლის კარატეს გუნდის წევრები **ვასილ დვალაძე** და **ლუკა ნასარიძე** ჩემპიონები დაგვიბრუნდნენ. ვასილმა მესამედ მოიპოვა ჩემპიონის ტიტული, ლუკამ პირველად, თუმცა 2022 წლის ჩემპიონატზე ის ვიცეჩემპიონი გახდა. ვულოცავთ მათ და მწვრთნელს **დავით დუშუაშვილს**.



ისტორიული დებიუტი

საქართველოს ეროვნულმა საფეხბურთო ნაკრებმა თავის პირველ ევროპის ჩემპიონატში ასპარეზობა ესპანეთის ნი-ნალამდეგ მეერვედფინალურ ეტაპზე დაასრულა, მაგრამ დებიუტით ქვეყნის ისტორია ნამდვილად დაწერა.

მილიონობით გულშემატკივართა შორის იყვნენ ამბროლაურელებიც სტუმრებთან ერთად, რომელთაც სამხარეო ადმინისტრაციისა და ადგილობრივი ხელისუფლების ხელშეწყობით შესაძლებლობა ჰქონდათ სასპორტო დარბაზში თვალი ედევნებინათ მატჩების პირდაპირი ტრანსლაციისათვის და ბედნიერებს ეცხოვრათ ეს დღეები ფეხბურთით.

მადლობა ეროვნული ნაკრების ფეხბურთელებს ღირსეული თამაშისათვის!

რაგბი

დიდი ხანი არაა რაც რაგბის პოპულარიზაციის მიზნით ცნობილი ბიზნესმენების, სამხარეო ადმინისტრაციის და ადგილობრივი თვითმმართველობების მხარდაჭერით დაფუძნდა სარაგბო კლუბი „ამარატები“, რომელმაც ქ. ონში უმასპინძლა 2013–2014 წლებში დაბადებულ ბავშვთა სარაგბო გუნდების ფესტივალს. რეგიონის მუნიციპალიტეტებიდან შეჯიბრში 16 გუნდი იღებდა მონაწილეობას, რომელსაც ესწრებოდა რწმუნებული **პაპუნა მარგველიძე**, ადგილობრივი თვითმმართველობების ხელმძღვანელებთან, სტუმრებთან და ცნობილ მორაგბეებთან ერთად.

მაგიდის ჩოგბურთი

ქვეყნის 12 ქალაქის გოგონათა და ვაჟთა გუნდმა მიიღო მონაწილეობა მაგიდის ჩოგბურთში რაჭის ღია პირველობაზე გამართულ შეჯიბრებაში. 107 სპორტსმენი U11, №13, U15 და U17 ასაკობრივ კატეგორიაში ცდიდა ძალებს. მომზადების მაღალი დონე აჩვენეს ამბროლაურის სასპორტო სკოლის წარმომადგენლებმა **ნინო, დავით, რეზი, საბა კობახიძეებმა** და **ანი მეტონიძემ**. თავიანთ ასაკობრივ კატეგორიებში მათ ანგარიშზეა ორი მეორე და ოთხი მესამე ადგილი.

გამარჯვებულებსა და მონაწილეებს გადაეცათ სიგელები და ფასიანი საჩუქრები.

შეჯიბრს ესწრებოდა წარმომადგენლებთან ერთად მუნიციპალიტეტის მერის მოადგილე **თამარ ქვეანაშვილი**.



ველონობლა

წლებანდელი ველომარათონში, რომლის სლოგანი იყო „შემოვუაროთ რაჭას“ მონაწილეობა მიიღეს, როგორც მოყვარულებმა, ასევე პროფესიონალმა სპორტსმენებმა – ჯამში ასამდე ადამიანმა.

წარმომადგენელი სამი მარშრუტიდან – 10 კმ, 20 კმ და 60 კმ. თითოეულმა მონაწილემ ინდივიდუალურად შეარჩია დისტანცია. პროფესიონალები ძალებს ცდიდნენ 60 კილომეტრიან დისტანციაზე, მოყვარულები 20 კმ-ზე, ხოლო ბავშვები (13+) 10 კმ-ზე.

სამივე კატეგორიაში დაწესებული იყო ფულადი ჯილდოები. ყველაზე გრძელი, დისტანციის პირველ ადგილოსანმა მიიღო ფულადი პრიზი. შესაბამისი აღჭურვილობით დაჯდული იყო ველოფესტივალის მონაწილეთა უსაფრთხოების წესები. მარათონის ფარგლებში მათ სამსახურში იყო სპეციალურად მოწყობილი გასართობი, საკვები, დასასვენებელი სივრცეები და სხვა აქტივობები. დღე დაგვირგვინა მუსიკალურმა საღამომ.

ველომარათონი რაჭა-ლეჩხუმისა და ქვემო სვანეთის სახელმწიფო რწმუნებულის ადმინისტრაციის, რეგიონში შემავალი მუნიციპალიტეტების, სპორტის ტურიზმისა და ახალგაზრდობის საერთაშორისო ფონდის, აგრეთვე კერძო კომპანიების მხარდაჭერით ჩატარდა.



ღიახ, ამბროლაურელებს ძალოსნობის სპორტის ამ სახეობაში ჩვენებური სტრონგსმენიც გვყავს. ეს წესელი, მეორე საჯარო სკოლის კურსდამთავრებული, 22 წლის **შოთა (შოთი) გოგობერიშვილია**. თავიდან თანატოლების მსგავსად ჭიდაობითა და ფეხბურთით იყო გატაცებული. მოპოვებული შედეგების მიხედვით მწვრთნელები სერიოზულ მომავალსაც უწინასწარმეტყველებდნენ, მაგრამ 17 წლის ასაკში მიხვდა, სიმძიმეებთან განევა-ანევასთან ჭიდილს უფროსები ბავშვურ გატაცებად რომ უთვლიდნენ, მისი მოწოდება იყო. ინტერესი, არჩევანი იმანაც გაამყარა, რომ სპორტის ეს სახეობა ის ის იყო მკვიდრდებოდა საქართველოში და ახალგაზრდებში ინტერესმა იმატა, ერთმანეთთან სოცსელით აზრთა გაცვლა-გამოცვლით იხვეწებოდა და არჩევანის სისწორეში საბოლოოდ დარწმუნდა. განსაკუთრებით მაშინ, როცა 2021 წლის სატელევიზიო შოუში „ნიჭიერი“ იხილა ქვეყანაში, თამამად შეიძლება ითქვას, სპორტის ამ სახეობის ფუძემდებლის კოტე ჯანაშიას გამოსვლა. ქუთაისის სახელმწიფო უნივერსიტეტში სტუდენტობის პერიოდში, მისი უფრო გართობის მიზნით გავრცელებული ვიდეოები, შეუმჩნეველი არ დარჩენია ჯანაშიას. დაუკავშირდა და მისი სახით დღეს მას კარგი დამრიგებელი ჰყავს. მართალია, ამჟამად შოთი სწავლას თბილისის პოლიტექნიკურ უნივერსიტეტში აგრძელებს, მაგრამ ონლაინ რეჟიმში მწვრთნელისა და შეგირდის ვარჯიშები არ წყდება. უკვე მსაჯის ნოდებაც აქვს და რაც მთავარია, შედეგი არის. ახლახან სომხეთის დედაქალაქ ერევანში გამართულ ევროპის ჩემპიონატიდან იგი ვერცხლის მედლით დაგვიბრუნდა. ამით ბედნიერი წუთები აჩუქა გულშემატკივრებს, ოჯახს, რომლის მხარდაჭერა ყოველთვის დიდი სტიმულია მისთვის.

წარმატებებს ვუსურვებთ შოთის სპორტულ სარბიელზეც და პირად ცხოვრებაში.

სტრონგი



რედაქციის
და
დარბაზი

რედაქციის მისამართი:
ქ. ამბროლაური,
დავით აღმაშენებლის ქუჩა №24
ბათ.: 593 60 40 67

„ამბროლაურის მოამბე“
რეგისტრირებულია ამბროლაურის
სასამართლოს მიერ.
რეგისტრაციის №15/5/103

გაზეთი დაიბეჭდა
ბაკური ჯიქიაძის მიერ
ქუთაისი, წერეთლის ქ. №186.
ბათ.: 0431 23 45 54

გაზეთი დამოუკიდებელია და ხელმძღვანელობს თავისუფალი პრესის პრინციპით. რედაქციის აზრი შესაძლოა არ ემთხვეოდეს მასალის ავტორის მოსაზრებებს, ავტორი პასუხისმგებელია მასალის, ფაქტების, ინფორმაციის სიზუსტეზე, შინაარსსა და სტილზე.